

Resolución da Alcaldía

Expediente núm.: 1379/2020

Asunto: EFECTOS EN TRIBUTOS E OUTROS INGRESOS PÚBLICOS COVID19

Procedemento: CORONAVIRUS (COVID-19)

Data de iniciación: 24/03/2020

RESOLUCIÓN DA ALCALDÍA

O Consello de Ministros, reunido o 14 de marzo de 2020, aprobou o Real Decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19

Esta norma recolle no artigo 9 a suspensión da actividade educativa, de acordo co seguinte

“Artigo 9. Medidas de contención no ámbito educativo e da formación.

1. Suspéndese a actividade educativa presencial en todos os centros e etapas, ciclos, graos, cursos e niveis de ensino contemplados no artigo 3 da Lei Orgánica 2/2006, do 3 de maio, de Educación, incluída o ensino universitario, así como calquera outras actividades educativas ou de formación impartidas noutros centros públicos ou privados.

2. Durante o período de suspensión manteranse as actividades educativas a través das modalidades a distancia e «en liña», sempre que resulte posible”.

Ademais, no artigo 10.3 *“suspende a apertura ao público dos museos, arquivos, bibliotecas, monumentos, así como dos locais e establecementos nos que se desenvolvan espectáculos públicos, as actividades deportivas e de lecer”* e remite ao anexo, cuxo título é literalmente *“Lista de equipos e actividades cuxa a apertura ao público queda suspendida de acordo co establecido no artigo 10.3”*, incluíndo en dita relación os seguintes:

“Museos, Arquivo, Bibliotecas, Monumentos, Espectáculos públicos, Esparexemento e diversión: Café-espectáculo, Circos, Locais de exhibicións, Salas de festas, Restaurante-espectáculo, Outros locais ou instalacións asimilables aos mencionados. Culturais e artísticos: Auditorios, Cinemas, Prazas, recintos e instalacións taurinas, Outros recintos e instalacións: Pavillóns de Congresos, Salas de concertos, Salas de conferencias, Salas de exposicións, Salas multiuso, Teatros. Deportivos: Locais ou recintos pechados, Campos de fútbol, rugby, béisbol e asimilables, Campos de baloncesto, balonmán, balonvolea e asimilables, Campos de tiro ao prato, de pichón e asimilables, Galerías de tiro, Pistas de tenis e asimilables, Pistas de patinaxe, hóckey sobre xeo, sobre patíns e asimilables, Piscinas, Locais de boxeo, loita, judo e asimilables, Circuitos permanentes de motocicletas, automóviles e asimilables, Velódromos, Hipódromos, canódromos e asimilables, Frontóns, trinquetes, pistas de squash e asimilables, Polideportivos, Boleiras e asimilables, Salóns de billar e asimilables, Ximnasia, Pistas de atletismo, Estadios, Outros locais, instalacións ou actividades asimilables aos mencionados. Espazos abertos e vías públicas: Percorridos de carreiras pedestres, Percorridos de probas ciclistas, motociclistas, automobilísticas e asimilables, Percorridos de motocrós, trial e asimilables, Probas e exhibicións náuticas, Probas e exhibicións aeronáuticas, Outros locais, instalacións ou actividades asimilables aos mencionados. Actividades recreativas: De baile: Discotecas e salas de baile, Salas de mocidade. Deportivo-recreativas: Locais ou recintos, sen espectadores, destinados á práctica deportivo-recreativa de uso público, en calquera das súas modalidades. Xogos e apostas: Casinos, Establecementos de xogos colectivos de diñeiro e de azar, Salóns de xogo, Salóns recreativos, Rifas e tómbolas, Outros locais e instalacións asimilables aos de actividade recreativa de Xogos e apostas conforme ao que estableza a normativa sectorial en materia de xogo, Locais específicos de apostas. Culturais e de lecer: Parques de atraccións, feiras e asimilables, Parques acuáticos, Casetas de feira, Parques zoolóxicos, Parques recreativos infantís. Recintos abertos e vías públicas: Verbenas, desfiles e festas populares ou manifestacións folclóricas. De lecer e diversión: Bares especiais: Bares de copas sen actuacións musicais en directo, Bares de copas con actuacións musicais en directo. De hostalería e restauración: Tabernas e adegas, Cafeterías, bares, café-bares e asimilables, Chocolaterías, xaderías, salóns de té, croissanteries e asimilables, Restaurantes, autoservizos de restauración e asimilables, Bares-restaurante, Bares e restaurantes de hoteis, excepto para dar servizo aos seus hóspedes, Salóns de banquetes, Terrazas”

En data 12 de marzo de 2020 o Consello da Xunta de Galicia acordou unha serie de medidas



especiais de prevención nos ámbitos da educación, o deporte, as actividades de ocio e as residencias de maiores en relación coa epidemia do virus “COVID- 19”.

Na mesma data, reunido en sesión extraordinaria o 12 de marzo, o Consello de Ministros adoptou novas medidas extraordinarias e excepcionais para, dun lado, limitar a propagación e o contaxio do virus COVID- 19 e, doutro lado, limitar o impacto económico causado pola enfermidade causada polo virus.

Con data 12/03/2020 publicouse no DOG a RESOLUCIÓN do 12 de marzo de 2020, da Secretaría Xeral Técnica da Consellería de Sanidade, pola que se lle dá publicidade ao Acordo do Consello da Xunta de Galicia, do 12 de marzo de 2020, polo que se adoptan as medidas preventivas en materia de saúde pública na Comunidade Autónoma de Galicia, como consecuencia da evolución da epidemia do coronavirus COVID-19, no que se sinala, entre outras, a seguinte medida “c) *No eido educativo, en atención á especial protección que se debe prestar á poboación sensible:*

- *Suspensión de todo tipo de actividade lectiva regulada en todos os centros de ensino non universitario. Esta suspensión inclúe tamén os servizos educativos complementarios, nomeadamente o comedor, transporte e servizo de madrugadores, con independencia de quen sexa o organizador dos devanditos servizos”.*

O día 13/03/2020 publícase no DOG a RESOLUCIÓN do 13 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza, pola que se dá publicidade ao Acordo do Consello da Xunta de Galicia, do 13 de marzo de 2020, polo que se declara a situación de emerxencia sanitaria no territorio da Comunidade Autónoma de Galicia e se activa o Plan territorial de emerxencias de Galicia (Platerga) no seu nivel IG (emerxencia de interese galego), como consecuencia da evolución da epidemia do coronavirus COVID-19, que nos seus puntos sétimo e oitavo sinala

“Sétimo. Como medida adicional ás previstas no Acordo do Consello da Xunta de Galicia do 12 de marzo de 2020 e, tendo en conta a evolución da situación, dispónse a suspensión da actividade durante 14 días naturais, contados desde a publicación deste acordo no Diario Oficial de Galicia, de todos os establecementos de espectáculos públicos e actividades recreativas incluídos no anexo do Decreto 124/2019, do 5 de setembro, polo que se aproba o Catálogo de espectáculos públicos e actividades recreativas e establecementos abertos ao público da Comunidade Autónoma de Galicia e se establecen determinadas disposicións xerais de aplicación na materia, e, nomeadamente

– Cines, – Teatros, – Auditorios, – Circos, – Establecementos de espectáculos deportivos, – Recintos feirais, – Casinos, – Salas de bingo, – Salóns de xogo, – Tendras de apostas, – Estadios deportivos, – Pavillóns deportivos, – Recintos deportivos, – Pistas de patinaxe, – Ximnasios, – Piscinas de competición, – Piscinas recreativas de uso colectivo, – Parques acuáticos, – Salóns recreativos, – Parques multiocio, – Museos, – Bibliotecas, – Salas de conferencias, – Salas polivalentes, – Salas de concertos, – Restaurantes, – Salóns de banquetes, – Cafetarías, – Bares, – Establecementos para actividades zoolóxicas, botánicas e xeolóxicas, – Salas de festas, – Discotecas, – Pubs, – Cafés-espectáculo, – Furanchos, – Centros de ocio infantil”

Finalmente no BOE de 29/03/2020 publícase o Real Decreto-lei 10/2020, do 29 de marzo, polo que se regula un permiso retribuído recuperable para as persoas traballadoras por conta allea que non presten servizos esenciais, co fin de reducir a mobilidade da poboación no contexto da loita contra o COVID-19, que de facto supón a imposibilidade de desenvolver certas actividades

En aplicación das normas anteriores, foi ditado tamén por esta Alcaldía o DECRETO Número: 2020-0131 Data: 13/03/2020, polo que se establecían medidas preventivas en materia de saúde pública, como consecuencia da evolución da epidemia do coronavirus COVID-19, no que se sinalaba o seguinte:

“SEGUNDO.- Establecer o peche ao público das seguintes instalacións titularidade do Concello de Ribadeo:

- *Pavillóns Polideportivos*
- *Piscina Municipal*



- Biblioteca Municipal
- Salas de exposicións
- Lavadoiro dos fornos
- Cine teatro
- Auditorio Municipal
- Albergue de Peregrinos
- Telecentro
- Oficina de turismo
- Casa das Algas
- Zonas de xogo infantís, biosaudables, nos parques de titularidade municipal.

TERCEIRO: Ao fío do anunciado pola Consellería ao respecto da suspensión das clases en todos os niveis educativos, suspender a actividade lectiva da Escola Municipal de Música e Danza de Ribadeo a partir do luns 16 de marzo durante un período prorrogable de 14 días (...)

CUARTO: Así mesmo, establecer o peche de calquera outra instalación xestionada polo Concello de Ribadeo análoga ás anteriores e non comprendida na relación do número primeiro anterior nas que se celebran actividades abertas ao público, agás as dependencias administrativas ou as que alberguen servizos esenciais para a cidadanía, coas limitacións establecidas no punto primeiro. Recoméndase ás asociacións, entidades privadas, e outras agrupacións que suspendan as actividades programadas para os próximos días.

QUINTO. Suspender a eficacia das autorizacións de uso de locais e espazos municipais por asociacións, entidades, clubs deportivos ou outros grupos locais para a celebración de actividades culturais, deportivas, recreativas , sociais, etc....”

Tendo en conta que as autorizacións de uso de locais e espazos municipais, a realización de actividades e prestación de servizos, e o uso público de instalacións, que agora se atopa suspendido por causa do coronavirus COVID-19, ben por decisión do concello ou doutras administracións de ámbito superior, en moitos casos están relacionados ou implican o pagamento de taxas ou prezos públicos establecidos polo concello, requiríuse informe da tesourería municipal sobre as súas consecuencias.

Este informe foi emitido con data 26/03/2020, e nel conclúese o seguinte:

“PRIMEIRA.- Non procede esixir as taxas que gravan as actividades ou servizos que presta o Concello de Ribadeo, nin a utilización privativa ou aproveitamento especial do dominio público municipal, durante o período no que aquelas non teñen lugar, como na actual situación de crise orixinada polo COVID-19. No caso de que se produza o pagamento das taxas, o Concello deberá devolver o seu importe, conforme ao artigo 26.3 do TRLRFL.

SEGUNDA.- Tampouco procede esixir os prezos públicos que gravan actividades ou servizos que presta o Concello de Ribadeo durante o período no que aquelas non teñen lugar, como na actual situación de crise orixinada polo COVID-19. No caso de que se produza o pagamento dos prezos públicos, o Concello deberá devolver o seu importe, conforme ao artigo 46.2 do TRLRFL.

TERCEIRA.- A competencia para a adopción de medidas de suspensión relativas á recadación de taxas e prezos públicos referidos no informe corresponde ao Alcalde, conforme ao artigo 21.1. f) e m) da LRBRL”.

Con posterioridade, requírese novamente por Providencia de Alcaldía de 30/03/2020 a emisión de novo informe sobre a posibilidade de ampliar os efectos pretendidos sobre as taxas por abasto domiciliario de auga potable e taxa por recollida de lixo.

Emíttese este informe con data 01/04/2020, no que se conclúe o seguinte

“PRIMEIRA.- As taxas por distribución de auga e recollida de lixo, reguladas polo Concello de Ribadeo nas súas Ordenanzas Fiscais T18 e T17, respectivamente, resultan esixibles nos propios supostos contemplados nelas, aínda que atopémonos baixo os efectos do estado de alarma



decretado polo Goberno mediante Real Decreto 463/2020, de 14 de marzo, pois gravan servizos de recepción obrigatoria polos contribuíntes.

Polo anterior, na actualidade non cabe dispensar da súa aplicación as situacións especialmente afectadas pola crise causada polo COVID-19 xa que ata o de agora as normas con rango de lei non o prevén nin, en consecuencia, as ordenanzas fiscais poden prevelo tampouco, ao precisar expresa habilitación da aquelas para facelo, conforme os artigos 9 e 12 do TRLRFL e as propias Ordenanzas Fiscais municipais.

SEGUNDA.- Sen prexuízo do anterior, afirmase que se ben os servizos de distribución de auga e recollida de lixo son de recepción obrigatoria polos contribuíntes, podendo, en condicións normais, facer uso ou non dos mesmos, na crise orixinada polo COVID-19 e no presente estado de alarma decretado, apréciase unha clara prohibición da Administración ao respecto do exercicio de gran parte das actividades económicas, polo que agora non actúa a vontade dos contribuíntes e sen embargo si resultan afectados por ditas taxas, circunstancia da que se informa ao Concello xa que supón un feito diferencial non contemplado na xurisprudencia contida no presente informe en relación á configuración dos servizos de recepción obrigatoria”

Por tanto, considerando neste caso, malia o sinalado no informe, que de facto se está a producir unha situación semellante ás outras figuras tributarias e prezos públicos afectados, posto que **a causa de que o servizo non se preste ou desenvolva aos afectados, ou máis ben, que non podan empregalo, non depende da súa vontade ou non é imputable aos suxeitos pasivos, senón a unha decisión da administración que llo impide.**

Por exemplo a Sentenza do Tribunal Superior de Xustiza de Galicia de 30 de abril de 2008, sinala o seguinte:

“TERCEIRO.- A partir dos presupostos anteriores constatase a dificultade de articular unha solución contraria ás teses da Administración apelante sen afectar directamente a la normativa mencionada. A STSXC de 19/1/1999 (NFJ007731) subliña que «como destaca a doutrina, a utilización do servizo e a conseguinte percepción da taxa non poden depender da vontade dos propietarios, estando a Corporación Local perfectamente capacitada para impoñelo con carácter imperativo e para cobrar a taxa, sempre que tal servizo se preste efectivamente, de forma que ao ser un servizo xeral e obrigatorio non so afecta aos veciños que o utilizan senón a todos os que se encontran en disposición de poder utilizalo.

En consecuencia, cando o servizo de recollida domiciliaria de lixo e residuos sólidos de que se trata teña o carácter de recepción obrigatoria do servizo e se preste o servizo para as fincas das que se sexa propietario así como para as demais ubicadas nas mesmas vías públicas, **nunca bastará invocar que no local non se realiza actividade algunha, por atoparse pechado, o que en modo algún pode supor a falta de devengo da taxa polo servizo xeral e obrigatorio que se presta igualmente a aquel aínda que se atope pechado, e sexa manifesta a posibilidade de utilización en calquera momento en que se leve a cabo actividade, ou aínda sen levarse a cabo esta, de producir lixo ou residuos sólidos, así como a disposición do servizo que provocou os custes que se satisfacen a través da taxa».**

Doutrina a anterior perfectamente aplicable e compatible coa cuestión examinada e en relación á cal **os únicos límites a sinalar serían, ben o de carácter administrativo, no caso en que o propio Concello, por non outorgar as licencias pertinentes impedira a actividade no local sobre o que descansa o feito impoñible da taxa, ben de carácter físico, cando a todas luces este fora absolutamente inhábil para todo tipo de actividade real ou potencial xeradora de residuos.** A sentenza apelada parece referirse a este último aspecto ao mencionar que o inmovible do apelado “ten unhas condicións que imposibilitan que poda xerar residuos dos que deba facerse cargo o ente local”; pero tal indicación, é preciso resaltar, carece en autos de suficiente substrato probatorio, máis aló das manifestacións do recorrente, pois a inspección xirada (folio 9 do expediente) acreditou que o inmovible en cuestión “é un NUM001 en dicha rúa... sen actividade algunha. Cerrado total”, descrición a anterior perfectamente compatible co artigo 2 da Ordenanza municipal antes mencionada respecto do cal a propia sentenza apelada determinou que non se observaba ningún motivo de ilegalidade”.



Tamén o TSX da Comunidade Valenciana manifestouse no mesmo sentido, nas Sentenzas do 10 de xuño de 2008 e do 10 de decembro de 2008, considerando que: "*SEGUNDO.- Polo que respecta á Taxa por Eliminación de Residuos Sólidos, como ten sinalado o Tribunal Supremo en distintas Sentenzas, entre elas a de 20-7-2001, non é precisa a produción de tales residuos para que se xere a obrigação de abonar a cota tributaria da mesma, **pois o determinante do seu feito impoñible é a posibilidade de facer uso de tal Servizo**, con abstracción de que circunstancialmente o interesado, suxeito pasivo do tributo, non contribúise ou non puidese contribuír á formación dos residuos.*"

No caso que nos ocupa, semella claro que determinados suxeitos pasivos non se atopan en disposición de poder utilizar os servizos por causas alleas á súa vontade, baseadas en decisións da administración, ao obrigarlles a pechar as súas instalacións, polo que hai un impedimento efectivo para realizar a actividade nos locais sobre os que descansa o feito impoñible destas taxas. **Así, poderíamos entender que mentres se manteña a situación derivada da declaración do estado de alarma, non ten lugar o feito impoñible que sustenta o cobramento das cotas correspondentes para os terceiros aos que se prohibiu expresamente desenvolver as súas actividades.**

Visto todo canto antecede, considerando os seguintes fundamentos xurídicos aplicables:

- Artigo 20 do Real Decreto Legislativo 2/2004, de 5 de marzo, Texto Refundido da Lei Reguladora das Facendas Locais, no que se regula o feito impoñible das taxas establecidas polas entidades locais
- Artigo 12 da Lei 8/1989, de 13 de abril, de Taxas e prezos públicos que sinala que "*Procederá a devolución das taxas que se esixiron, cando non se realice o seu feito impoñible por causas non imputables ao suxeito pasivo*"
- Artigo 26.3 do Real Decreto Legislativo 2/2004, de 5 de marzo, Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, que dispón que "*3. Cando por causas non imputables ao suxeito pasivo, o servizo público, a actividade administrativa ou o dereito á utilización ou aproveitamento do dominio público non se preste ou desenvolva, procederá a devolución do importe correspondente*"
- Artigo 46.2 do Real Decreto Legislativo 2/2004, de 5 de marzo, Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, que dispón que "*2. Cando por causas non imputables ao obrigado ao pago do prezo, o servizo ou a actividade non se preste ou desenvolva, procederá a devolución do importe correspondente*"

Por todo o exposto, no exercicio das competencias que a normativa vixente en materia de réxime local lle confire a esta Alcaldía en canto á dirección da política, o goberno e a administración municipal, adopción de decisións en situacións de catástrofe ou de infortunios públicos ou grave risco e desenvolvemento da xestión económica de acordo co Orzamento aprobado, previstas na Lei 7/1985, do 2 de abril, reguladora das bases de réxime local, e a Lei 5/1997, do 22 de xullo, da administración local de Galicia,

RESOLVO

PRIMEIRO.- Recoñecer que se dan os supostos recollidos nos artigos 26.3 e 46.2 do Real Decreto Legislativo 2/2004, de 5 de marzo, e por tanto non procede esixir as taxas e/ou prezos públicos que gravan as actividades ou servizos que presta o Concello de Ribadeo, nin as taxas pola utilización privativa ou aproveitamento especial do dominio público municipal, que se devindiquen entre o 13/03/2020 e o momento en que se produza o levantamento das suspensións impostas pola declaración de estado de alarma, para as seguintes figuras e supostos:

- Taxa por estacionamento de vehículos en zona de aparcamento limitado (zona ORA)
- Taxa por prestación dos servizos da Piscina Municipal
- Taxa por ensinanzas especiais en establecementos docentes e públicos. Escola de Música e Escolas Deportivas Municipais
- Taxa polo servizo de mercado, no que se refire ao mercadiño dos mércores, sábados e



- artesanía na rúa Rodríguez Murias
- Taxa pola utilización privativa ou aproveitamento especial do dominio público local con elementos con finalidade lucrativa, no que atinxe a terrazas
- Taxa pola utilización ou reserva de espazos públicos e inmobles de uso público no Concello de Ribadeo
- Taxa pola utilización privativa ou aproveitamento especial do dominio público local consistente na ocupación de terreos de uso público con mercancías, materiais de construción, entullos, valos, puntais, asnillas, andamios e outras instalacións análogas, na medida en que fosen suspendidas as autorizacións para a execución das obras a que se refiran
- Prezo público pola prestación do servizo de axuda no fogar, para aqueles usuarios para os que lles foi suspendido o servizo

SEGUNDO.- Recoñecer que non ten lugar o feito impoñible que se recolle no artigo 20 do Real Decreto Lexislativo 2/2004, de 5 de marzo, e por tanto, segundo o artigo 12 da Lei 8/1989, de 13 de abril, non procede esixir ou procede devolver no seu caso as taxas que gravan as actividades ou servizos que presta o Concello de Ribadeo que se devindiquen entre o 13/03/2020 e o momento en que se produza o levantamento das suspensións impostas pola declaración de estado de alarma, para as seguintes figuras e supostos:

- Taxa por recollida de lixo. Afectará ás actividades suspendidas polo Real Decreto 463/2020, do 14 de marzo e/ou RESOLUCIÓN do 13 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza. Neste caso será precisa solicitude previa dos interesados, e acreditarase mediante a presentación da declaración censal ou certificado da AEAT do IAE da anualidade do 2020, cuxo epígrafe se axuste ás actividades suspendidas. No caso de que as solicitudes se presenten con posterioridade ao fin do prazo de pagamento e xa se tivera producido este, procederse á devolución correspondente.
- Taxa por subministración de auga potable. Afectará ás actividades suspendidas polo Real Decreto 463/2020, do 14 de marzo e/ou RESOLUCIÓN do 13 de marzo de 2020, da Secretaría Xeral Técnica da Consellería de Presidencia, Administracións Públicas e Xustiza. Neste caso será precisa solicitude previa dos interesados e acreditarase mediante a presentación da declaración censal ou certificado da AEAT do IAE da anualidade do 2020, cuxo epígrafe se axuste ás actividades suspendidas. Neste caso comprobarase ademais de oficio, se é posible tecnicamente, que non existen consumos nos prazos sinalados, o que impediría a aplicación do disposto no presente apartado. No caso de que as solicitudes se presenten con posterioridade ao fin do prazo de pagamento e xa se tivera producido este, procederse á devolución correspondente.

Este apartado non será aplicable ao primeiro bimestre de 2020. Para estas taxas, ademais, o período voluntario de pagamento dos padróns que se aproben, incluído o primeiro de 2020, establecerase en 90 días, para aqueles usuarios que sigan estando obrigados ao pagamento, mentres se mantexa a situación de alarma.

TERCEIRO.- Instar aos servizos do concello encargados de xestionar e recadar os tributos e prezos públicos que se recollen no punto anterior, incluídos os concesionarios no seu caso, a que tomen as medidas oportunas para que non se proceda á súa liquidación nos períodos e supostos mencionados, ou de ser o caso que se inicien os trámites para a devolución de oficio de ser aboados con anterioridade.

CUARTO.- Instar á Deputación de Lugo, como ente que ten delegada a xestión e recadación dos impostos máis importantes deste concello (IBI, IVTM, IAE), a que adopte medidas dentro das posibilidades que lle outorga o Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais, para minimizar ou paliar a incidencia da situación de crise actual na situación económica de dos veciños, profesionais e empresarios deste concello, como poden ser:

- Adiamento dos padróns tributarios (IVTM, IBI, IAE, ...) aos últimos meses do ano, contando que esta xa superada a fase máis aguda da crise, e os suxeitos pasivos podan facer fronte



- ao pagamento con menos problemas
- Fraccionamento de oficio de xeito xenérico nos impostos, como aplican outros concellos e incluso o propio estado no IRPF. É dicir división dos recibos en varias fraccións, a pagar con separación no tempo, sen aplicación de xuros.
 - Flexibilizar a normativa sobre adiamento e fraccionamento que posúe a Deputación de Lugo, durante a vixencia desta situación (como exemplo artigo 14 Real Decreto-lei 7/2020, de 12 de marzo, 6 meses sen xuros)

QUINTO.- Dar publicidade do presente acordo para xeral coñecemento e ao pleno da corporación na primeira sesión ordinaria que se celebre

Mándao e asíno o ALCALDE, FERNANDO SUAREZ BARCIA, en Ribadeo, a data de sinatura en 2020; do que, como SECRETARIO, dou fe.

**SECRETARIO
JOSE ANTONIO CARRO ASOREY**

**ALCALDE,
FERNANDO SUAREZ BARCIA.**

DOCUMENTO ASINADO DIXITALMENTE

